



11.

DEO OPTIMO MAX.

UNI ET TRINO.

VIRGINI DEIPARÆ, ET S. LUCÆ

Orthodoxorum Medicorum Patrono.

QUÆSTIO MEDICA,

QUODLIBETARIIS DISPUTATIONIBUS

manè discutienda, in Scholis Medicorum, die Jovis vigesima-secunda

Decembris anni M. DCC. XXXV.

M. CLAUDIO-CAROLO DE JEAN,

Doctore Medico, Præside.

An, affectibus soporosis Emeticum?

I.



ULLA SECRETIO, si vicietur, tam immanes, tamque lethiferos edit morbos, ac spirituum animalium secretio. Specimen præbent non leve affectus soporosi. Mortem sæpe tam perfectè adumbrant, ut imago nunquam expungatur. Porrentosa offert illud morborum genus symptomata. Videre est ægrum tam ferreo obrutum somno, ut vix, imò nullà ratione queat experiri: saliva tamen, quin & integra remanet respiratio: hunc pungis aciculâ? movet unum aut alterum membrum: mittit ægrè vocem: oculos nondum aperit, & ecce redditur somno. Jacet sensu motuque destitutus. Quæsit non intelligit; multo minus responsa refert. Carum hunc dicunt affectum. Proximus est ad Apoplexiæ gradus. In Apoplexiâ omnes simul functiones animales subito cessant, attonitus procumbit æger; fulmine percussus diceret; vox simul aufertur, imminuitur ipsa respiratio; cum stertore aliquandò anima reciprocatur; resoluta videntur membra; si brachium, si pes levetur, suo statim pondere labitur; alius urget sopor; nisi respirationis, pulsusque vestigia supersessent, & aliquis color faciem inficeret, mortuos inter reponeretur. Coma soporosis affectibus adscribitur. Duplex est, somnolentum & vigil. Si somnus delirio ita conjungatur, ut excitatus æger loquatur absurda, moxque relabatur in somnum, illud coma dicitur somnolentum: vigil nuncupatur, si vigilie (dictu mirabile) somno se comites præbeant: somnus externus adest, torquent intus vigilie: clauduntur oculi: feriantur sensuum organa: irrequietus tamen animus suas turbide functio-

nes exercet; somnando delirat ager: aperti subinde faucibus clamant; jactat aliquando membra; compellatus somnum facile excutit, ineptas reddit voces. Nullus soporosis affectus suum tam meretur nomen, quam lethargus. Omnia ferè huc usque enarraea symptomata in lethargo simul coeunt: illius tamen essentiam constituit obliviosus sopor; postulat aliquid lethargicus, oblatum arripit, dum manu tenet propositi obliviscitur, nescit quid cum se petita sibi velit, somno interea corripitur. Catalepsis denique praedictos jam affectus symptomatum prodigio longè antecellit: sensus cum motu simul evanuit: riget membrorum compages; immobiles hiant oculi; versum in statuum hominem crederes; remanet, quàm correptus fuit, positura: impulsus tamen spectrum illud movetur; rursus, quam per motum adeptus est, figuram retinet. Jam tales morbos vis aggredi, non ante viceris, quam quæsieris causam, inventamque eradicaveris.

I I.

OMNIUM functionum integritatem ponit sanitas; morbus vel unius, vel plurium lacionem: functio tandiù viget, tandiù sua organa libero voluntur motu; si mora injicitur, laeditur. Quæris morbi causam? illius detegendæ viam aperit præmissa notio. Esto: affectu soporoso laboret ager: quænam offeratur morbi species, non est difficile quidem intellectu: diversa sedula symptomata enucleavimus: ast nunc indaganda causa: statim est in promptu, quænam desideretur functio: sensus motusque perire: culpanda igitur sensus motusque organa. Spirituum animalium interceptitur secretio, secretionis vitium secretiorum canalium *obstructionem* arguit. Morbum igitur parit infarctus cerebri. Proximam nunc tenes causam: remota non nunquam vel in primas usque regiones rejcienda. omnes omnino secretiones in ventriculi ditionem rediguntur. Non ritè peraguntur, quin viscus illud idoneam fingat mittarque materiem. Ubi suum opus segniter exequitur, chylus malè tritus spissiore suppeditat sanguinem: exurgunt inde liquores paternâ labe infecti. In sua quique incernicula agere protruduntur; permeare nequeunt; deficit secretio, illud damni eò magis impendit cerebro, quò cerebrum magis *obstructioni* patet. Iter metire secernendæ illic materiei, mille gyris extenditur; calcandam lustra viam, quàm angustâ! excurrèndos scrutare canaliculos, nullam ferè deprehendes elasticitatem. Affectuum soporosis causa non est semper tam altè reperenda: neque sic existimandum ventriculū in culpâ semper esse, quæcumque tandem sanguineum laticem inspissare valent, soporosis affectibus producendis sunt obnoxia: circuitus retardatio, excretorum profusio, virium jactura, elasticitatis imminutio, glandularum infarctus, denique plethora prædicti morbi est causa non infrequens. plethorâ sicut & cachexiâ non existit hostis secretionum infensor. suâ hæc crassitudine, illa mole easdem inferunt calamitates: hæc vasculorum oscula suarum partium diametro occludit, illa vasis majori distensione: fibrarum tonum hæc pondere, illâ redundatione opprimat. Per magnum utrinque cerebro malum.

III.

INTELLECTIS morbi causis, indicationes ultrò sese offerunt. Si plethora procreaverit foverit-ve morbum, nihil venæ sectioni præmittendum. Magnum subito emolumentum dabit. redundantior sanguis mo'es suos intra tubulos agere volvebatur; indocilis quati, serpebat lentè, multo suarum partium agmine oscula perreptans, crassior existerat; sæpe sibi ipsi præpediebat viam, vimque solidorum obruebat, quàm celebratâ venæ sectione meliorem subito statum corpus plethoricum induet! Imminutâ jam liquidorum copiâ, solida vim pristinam exerunt, tenuius sanguinis filum cedendo sensim teritur, nullam sui partem vasis salientis ictibus subripit, tubulatam leviter calcât viam, oscula faciliè permeat, si quis, modò levior, reperiat obex, cedere nescium. non una secatur vena, suus est honos cuique venæ sectioni. Delectus non herele floccificiendus. Quantùm licet, tentanda revulsio hoc nomine in soporosis affectibus palmani sibi

3

saphena sectio vindicat. Et si necessaria, sæpe tamen non solvit infarctus cerebri. liquidorum in cerebro circuitus eo restauratur difficilior, quò facilius sistitur: vix reviviscet unquam sibi permixtus visceris illius elater: vi fuscitandus est. Illud remediū quantò magis adhibendum, si sit infarctus cerebri liquidorum crassitudini tribuendus! tenacem istam materiem absque mollichorum præsidio in motum agi nequicquam speres, non aliis tandem vestigiis insistendum, si soporosis affectus a primis regionibus ortum repetat. succutiendus est ventriculus. è validâ ventriculi succussione duo exurgunt simul maximi quidam momenti commoda. stagnantium succorum colluvies foras amandabitur. integrior exinde chylus miscēbitur sanguineo latici. Quin & fibra ventriculi, onere veluti deposito, liberâ gaudebit oscillatione; ingestam acrius tractabit materiem, perfectè comminuet. morbi sic radix eruitur. quæris quī tot repleti queant indicationes? omnes uno repleas Emetico.

I V.

QUID QUID in ventriculo delitescit, vomitoriorum ope citius excutitur. ventriculi intestinorumque glandulas purgant ab humorum stagnantium faburrâ, everruntque sordes, quas alia nunquam purgantia exturbassent. dum sic emunguntur ventriculi ductusque intestinalis glandulæ, minorem offerant necesse est resistentiam appellentibus è sanguine laticibus; copiosius proinde excernuntur: excretio eò copiosior evadit, quòd majorem fluiditatis gradum succis conciliavere, tum omnium muscutorum violenta intermovendum contractio, tum actio ipsa particularum Emetici, quæ sanguini associatæ, tumultus ibi concitant. Inde patet vomitu quantū imminuatur liquidorum moles: porrò vasis tum sanguineis tum lymphaticis multo minus dilatis, eadē proportionē remitti debent tensio compressioque cerebri, quæ quidem oriuntur à tumefactis vasis illius substantiam perrepantibus. fatendum tamen, Emetica nonnunquam soporosis affectibus citius opitulati, quàm ut prosper illorum exitus unam hanc agnoscat causam: imò sæpè levatur æger absque ullâ prorsus evacuatione: hoc in casu sanatio diversæ profectò causæ tribuenda. hæc nobis hypothesis (ab illâ voce Physica non abhorret) optimè nodum videtur solvere, lex eadem motuum sympathicorum, quæ ventriculum, diaphragma musculosque abdominales earumdem impressionum consortes facit, ambas & meninges eadē forsitan attingit conforione, his semel positis, nihil est quòd oblatam quæras jam effectus causam. contracto Emetici morſu ventriculo, contrahentur & ipsæ meninges: contractæ cerebrum arctius complectentur; cespitantem in arteriis, in venis tum sanguineis, tum lymphaticis sanguinem expriment; liquorum accelerabunt motum, circuitum facient expeditiorem, sicque citissimè huiusce visceris functiones instaurabunt. hæc minus fortè aridet hypothesis; quippe quæ ficto tantūm videatur extructa fundamento: Cave credas: anatome simul & exemplis nititur: nullum aliud viscus tantâ, quantâ ventriculus, nervorum luxuriatur suppellectile: maximus inde caput inter & ventriculum consensus efflorescit: si ventriculi commotio, hemicraniam, vertiginem, Epilepsiam sæpe facius procreat, vicissim ictus capitis, hemicrania, vertigo, ventriculus sæpè commovent. Allatæ hypothesei suffragantur exempla. cerebrum purgat nonnunquam sternutatio, illud (nemo non fatetur) oritur ex eo, quod contractio membranae pituitariæ, unde sternutatio; menyngum contractionem procreet. Cur Apolectici suos tam efficaciter recuperant sensus, ubi corporis habitus in aliquâ parte gravi impressione afficitur? eamdem scilicet ob causam; hac arte menyngum elater intenditur; unde liberius circuit, exprimiturque impactus cerebro sanguis. quidni vis Emetici eisdem pariet effectus? Novus inde redit eidem hypothesei auctoritatis gradus: illam si respueris, difficilè quidem attinges causam, cur in hydrocephalo tam prosperè succedant Emetica, quid aliud, quæso, nisi

auctus menyngum elater stagnantem in cerebri ventriculis lympham exprimet? Menynges auctâ contractione cerebrum validius constringant: in promptu est effectus: congestus liquor in oppositam impinger molem, vincetque tandem, si modo vinci queat. Probabitur magis simplex ille *Mechanismus*, si attendas eodem temporis puncto tonum augeri in membranâ glandulæ pituitariæ, ubi reperitur obex, difficilius explicatu nec est, quâ *Amaurosim* incipientem sanent Emerica: quâ sopitum paralyticorum partium sensum suscitent; præmissis absque nullo ferè levamine venæ sectionibus, nihil verò similis excogitari potest, quàm expressio lymphæ nervorum originem comprimentis, illorumve textum resolventis; totidem Menyngum contractionis argumenta! nullus tandem oritur è congestâ in cerebro lymphâ morbus, in quo non juvent Emerica: exprimeudi igitur cerebri vi polleant necessum est.

V.

AST inquit: nihil vestris principiis tam adversatur, quàm vestra ipsa conclusio: affectus soporosos cerebri infarctui tribuitis: hunc contenditis solvendum esse: quodnam porro huic solutioni proponitis instrumentum? Emeticum. Egregia verò infarctus solvendi methodus! novam videlicet intrudendo materiem, ignem nimirum oleo extinguitis! vos nescire vomitu versus caput vi protrudi sanguinem! adeo ne rudes legum animalis æconomix! si fugit anatome, saltem oculis utimini, cernitis quantum hic æger inter vomendum toto rubescat ore! magno utique metu nos jam perculos autumas, habemus ovantem quod te reprimat. ipsissimis jocis novo nos adornas telo, præfari non omisimus, affectus soporosos seu plethora producat, seu tantum concomitetur, mittendum sanguinem: palam hic adjicimus iterandam tandiù venæ sectionem, quandiù eadem stat indicatio. jam verò celebratâ ritè venæ sectione, menyngum contractione probatâ, probato istius contractionis effectû, aliquid infarctui solvendo accommodatus, amabo, excogites eo ipso; quo nos insequeris, quis obex, nisi immotâ radice adhæreat, membranarum contractioni sanguinisque simul appulsui resistat? collimant eodem ambæ illæ potentix, times immeritò, ne intra caput vomitu appellens sanguis novam præbeat infarctui materiam: illius impetus frangi facillè non potest: primò vi multâ agitur; deinde ejusdem motus plurimùm juvantur menyngum elaterio, nondum fortè persuasum tibi est nostræ assentiendum conclusioni, non es qui incertum pro certo teneas: suis tandem ratiunculis tuam nunquam ludet Theoria credulitatem, procul hinc umbra litigii, tuum igitur nomen inter Empyricos (eos videlicet qui uni credebant experientix) proficere: at enim conclamat experientia.

Ergò affectibus soporosis Emeticum.

DOMINI DOCTORES DISPUTATURI.

M. Claudius Carolus de Jean, M. Joannes de Dieff.
Attus Preses.

M. Joannes-Baptista Silva,
fabris Consili Regii Socius,
& Serenissimi Ducis Borbo-
nii Medicus ordinarius.

M. Franciscus-Felicitas Cocha. M. Josephus de Jusieu.

M. Joannes-Baptista Thomas
Martineng, Chirurgie Gal-
lico idioma Professore.

M. Ludovicus-Florentinus
Ellor.

M. Henricus-Franciscus Bour-
dclon.

M. Franciscus Pouffe.

Proponebat Parisiis, CAROLUS PAYEN, Parisinus,
Baccalaureus Medicus, A. R. S. H. 1735. à sextâ ad meridiem.